

DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis vigesima
mensis Januarii, anno Domini M. DCC. XLVI.

M. RAYMUNDO-JACOB FINOT,
Doctore Medico, Præsides.

An Phthisi ultimum gradum nondum affecta, aque Cauterienses, vulgò de Cauterès?

I.



INTER judicatu tardas ægri tudines phthisi pulmonari frequentior nulla, nulla periculosior: palam occurrit ferè ubique tabes; mors hujus sæpissimè finis: idèd si tabido Medicus advoceris, institutæ therapie vim morbus eluserit, fatoque fungatur æger, silet cavillator etiam mordacissimus; nullo rudis injuriæque vulgi sermone vapulas; omnem à te suspicionem amovet vel sola morbi denominatio ... nec morbus accerbior alter: ægros quidem acriori dolore pressos reperies; verùm hos latet natura morbi; recuperanda sanitatis spes elucet; & quod melius ferendi doloris solatium? Quod eadem leniendo efficacius fomentum? Phthisico conscia mens mali cuique sua est; quæ eum fata maneant, multiplici exemplo didicit: minùs quidem cæteris corpore dolet, ast gemit miser metus tristitiæque præda: dirus animo mæror; ab eo recreari nefas; eum semper exagitat

Occultum quatiens animo torture flagellum.

Studet incassum mentem atris quibus afflictaur ideis avocare; vanas sibi frustra fingit species quò eam aliò divertat; operosa quâ pectus quatitur tussis, sputorum & quantitas & fræda indoles, febris quâ uritur hæctica, respirationis difficultas, atque molestus in pectore gravitatis sensus vix sopitam citò renovant infortunii memoriam: se tunc sollicitum omnibusque præbet difficilem:

Quod petiit spernit, repetit quod nuper omisit,

Æstuat, & vitæ disconvenit ordine toto.

Si sibi fucum facere, atque aliquid præsumere contigerit, se brevè agnoscit concepti erroris, speique fugitivæ ludibrium: tristem conditionis veritatem apertè declarant corporis ferè exsucci macies, spiritus angustia, nocturni quibus colliquefcit sudores, exhausti vires diarrhœa, pertinax ciborum omnium fastidium, proximæ mortis prænuntiæ: nam penitus exhaustis paulò-post viribus, partim excessis, partim pure repletis pulmonibus, expuitionis impotens extinguitur. Si tibi venerei, scorbutici, aut scrophu-

A

loſi phthiſis ſoboles, venerea, ſcorbutica, ſcrophuloſa nuncupatur; nec ſagacem Medicum ſpecies uſquam eluder; quælibet à vitio à quo dependet, quæ eam manifeſtent, ſymptomata mutuantur. Quandoquæ ſputa purulenta evaneſcere, mox per intervalla recurrere videntur: nonnunquam, ſævientibus cæteris phthiſeos confirmatæ ſignis, tuſſis ſicca ægrum exagitat, moxque ſubito (ſi abceſſus apertura veſiculas proſpexerit) uberius quàm pro ſolito more puris copia ſputis ejicitur; ſæpiſſimè puris expulſio ferè æquabili tenore toto morbi decurſu perſeverat: hæc ſunt tabis tuberculoſæ, vomicæ, atque veræ phthiſeos diſcrimina. Modò à vitioſâ pulmonum conſtitutione primariò dependet, modò ab alterius viſceris pravâ diſpoſitione, vel à prægreſſo morbo, aut à ſuppreſſâ ſolitâ quâdam evacuatione natales ducit; hæc ſympathica, aut *ſymptomatica*, *idiopathica* altera dicitur. Multiplex morbi gradus; hos ritè diſtinguere plurimi Medici reſert. Si quem videris habitu corporis graciliori ac teneriori, ſtaturâ procerâ, pectore depreſſo & anguſto, coſtis protuberantibus, ſcapulis inſtar alarum prominentibus, collo oblongo, labiis genisque colore roſaceis, ingenio ut plurimùm præcoci; huic tabem imminere pronuntia: idem ſer judicium de iis (*a*) qui *tabidâ ſtirpe ſati ſunt, quaſi enim hæreditario jure omnes neceſſariò tabe marceſcunt; hocque malum ſæpè vidimus in omnes ejuſdem familia ordine graſſari*. Preſſo pede ſequentur, ni cautè obſiteris, dolor à parte anteriori pectoris ad poſteriorem protenſus, importunus vel levi de cauſâ anhelitus, ponderis ſenſus, tuſſis vel ſicca, vel ſanguinis ſerax, totidem certa morbi incipientis indicia. Hunc mox confirmabunt expulſio puris, febris lenta quæ inclinante die exaſperabitur. Recenſitorum ſymptomatum ſævities, ſudores nocturni, colliquans diarrhœa, pedum tumor ædematofus, virium proſtratio, horrida totius corporis macies, ſuffocationis metus tabem ultimum gradum aſſecutam ſignificabunt. Conâre ut imminentem præcaveas, aut ſaltem incipienti obſtes, dubius ſemperque diſſicilior in confirmatâ ſuccellus; deploratæ nuſquam medebere; (*b*) *tabes cum facile ſunt, neceſſitatem habent ut interimant*. Propoſitum pro votis aſſequere, ſi utare remedio quod imminentem pulmonum inſarctum arceat, aut enatum citò referet, vel (ſi hunc infelici fato ſecta ac impura continui ſolutio exceperit) quod ulceris progreſſui averſetur, ejusque cauſam evellere maximè queat.

(a) Fernel, de pulm. morb.

(b) Hypp. lib. 10. de morbis.

I I.

PULMONES ulcus depaſcens proximam morbi cauſam declarat ſputa purulenta, cæterorum ſymptomatum indoles, cadaverum apertio. (*c*) *ulceris origo deducitur ab omni cauſâ quæ valet ſanguinem in pulmonibus ita ſiſtere, ut in materiem purulentam abire cogatur*. (*d*) *Cum pulmo ſanguinem in ſe-ipſum traxerit, aut pituitam ſalſam, & non rursus dimiſerit, ſed in ipſo coacta & compacta fuerint, ab his tubercula ſiunt in pulmone & ſuppurantur*. Nuſquam igitur pulmonum ulcus abſque prævio inſarctû: hujus (*e*) *cauſa duplex, una quidem vitioſa Pulmonis conſtitutio, altera humor craſſus, exedens; ceu, quod eodem recidit, nimia vaſorum teneſtitudo atque debilitas, prava humorum craſſities atque acrimonia: ex his omnem crues facili negotio variarum phthiſeos ſpecierum æthiologiam*. Cauſarum quas memoravimus actioni favent ſolitæ evacuationis ſuppreſſio, vis ingens pulmonibus illata, ciborum acriorum atque calidiorum ingeſtio, vehementiora animi pathemata, aer nimio calore aut frigore, humiditate, gravitate, aut alienarum particularum miſcèlâ inſenſus, verbo quilibet rerum non naturalium abuſus. Morbi cauſarum hiftoriam meditare; patebit in imminenti phthiſi imminere Pulmonum inſarctum, eundem in incipienti exiſtere, in confirmatâ ulcere Pulmones exdi; cluſceſcent & triplicis aſſignatæ indicationis veritas, & remedii his implendis accommodati neceſſitas, utilitas, præſtantia.

(c) Boerh de phthiſi Aph. 1197.

(d) Hypp. lib. de inter aff. cap. 4.

(e) Fernel. de Pulm morbis.

I I I.

CAUTERIENSEM vicum in Pyreneorum montium parte apud Bigerrones conſpicuâ ſitum nobilitant tres thermalium aquarum fontes, totidem balnea. Harum temperatiores, aquæ ſcilicet ſcatebræ vulgò *Laralière* dictæ, ſolæ ſunt quæ in præſenti morbo commendentur; nihil in hac totâ rerum univerſitate, triplici memorato effectui producendo, iis reperies accommodatius. Maximâ ſpiritus ſulphurei copiâ, multo biſtumine imprægnantur; alkali continent non paucum ſalis marini *baſis* æmulum;

3

Marte pauco, paucissimo sale glauberiano ditantur. Principii quintuplicis præsentiam demonstrent quæ sequuntur observationes & experimenta.

O B S E R V A T I O N E S.

- Prima. Odorem atque saporem concepti ovi apprimè referunt, utrumque brevissimo temporis spatio amittunt aeri libero expositæ. In scaturigine, semi-minutæ spatio, plumbum, sparsis hinc & inde rubris viridibusque labeculis, argento colorem conciliant.
- Secunda. Tactu lentæ, pingues, oleosæ percipiuntur: quos percutunt alvei materiâ obducuntur pingui, copiosâ, cinerei coloris; abrasa 24 horarum spatio renovatur.
- Tertia. Terræ fons circumdatur pingui, nigricante, metallicis splendentibus lamellulis refertâ.
- Quarta. In scaturigine epotæ primis diebus ventriculorum ac intestina turbant, dejectiones nigricantes promovent; postea alvum adstringunt, diarrhœisquæ etiam contumacissimis feliciter medentur.
- Quinta. Si quales in fonte reperiuntur acidis aut alkalibus immisceantur, nulla fermentatio: si variis tincturis, aut lacti, nulla mutatio.
- Sexta. Plantis aromaticis amaraco, scrypylo florent circumjecta fonti loca.

E X P E R I M E N T A.

- Primum. Dum earum tentatur evaporatio, eundem ac hepar sulphuris odorem exhalant; vas, si argenteum, flavis, rubris, caruleis, nigrisque maculis inficitur.
- Secundum. Ita sensim igne spissescunt ut petrolei colorem atque consistentiam æmulentur.
- Tertium. Hujus aquæ miscelâ virefcit syrupus violaceus; eadem cum oleo vitrioli fermentescit.
- Quartum. Aquâ igne spissatâ Gallarum tincturæ immixtâ, fax successu temporis decidit, hæc si exsicceetur nigrescit; in pulverem redactæ pars quædam magnete ducitur.
- Quintum. Si dissolutioni argenti affundatur, opaca fit illico mixtura, datque faciem flavicini coloris.
- Sextum. Factâ, ejusdem atque dissolutionis mercurii ope spiritûs nitri, mixturâ, mercurii fit revivificatio; pars quæ sulphuri in aquâ superfluiti annectitur, præceps deicitur; dum pars altera bitumine correpta, sursum elevatur, atque splendens pelliculam efformat: metallis, facis atque pelliculæ frictu, affixæ mercurio accidunt coloris mutationes.
- Septimum. Crystallus dant, paucas equidem, sali glauberiano haud absimiles.
- Octavum. Aquæ addito oleo calcis fit materiæ cum acidis fermentescens præcipitatio.
- Spiritus volatilis præsentiam testantur inter observationes prima, secunda, sexta. Inter experimenta, primum, quintum, sextum.
- Partem bituminosam indicant inter observationes secunda, tertia, sexta. Inter experimenta secundum, sextum.
- Alkali demonstrent inter observationes prima. Inter experimenta primum, tertium, quintum, & subsequentiâ.
- Aquas sale glauberiano pollicre probant inter experimenta, septimum, octavum.
- Martem demonstrent inter observationes tertia, quarta. Inter experimenta quartum.
- Sapone igitur balsamico atque Martialisito præditæ sunt aquæ Cautionenses; eas tabidis amicas suadet ratio, confirmat experientia.

I V.

IMMINENTEM Pulmonum infarctum feliciter præcavebis, aut impactam in iis materiam tutò reserabis, si tenerioribus debilioribusque vasibus elasticitatem conciles; spissiora fluida comminuas, acriora demulceas: quid, velim, his muneribus implendis aquis Cautionensibus efficacius? Marte vim, elaterium vasibus impertiuntur: sapone, crassâ dividunt; stagnantia pellunt: acria balsamo temperant. Remedium ipsi Pulmonum ulceri præstantius nullum; repetitis quas porritat vasorum oscillationibus extravasatos humores maturat, coquit, coctorum excretionem juvat, ulceris labia deterget, emollit, omnibus attritis obicibus circulationis vias expedit, eas verbo omnes inducit conditiones quæ & ulceris extinguendo fomiti, & novorum vasorum evolutioni, atque glutinationi favent. Ne tamen aquæ laudatæ ita fidas, ut eâ solâ absolyen-

dam curationem existimes : si natalis peculiari veneno morbus debeat , huic specifi-
subsidio advoca. Nusquam expertissimorum Medicorum testimonio comprobata auxilia
negligas ; proderit in imminente , atque in incipienti morbo moderata equitatio : sã-
pius fiet lactis usu cujusque tabis facilior promptiorque sanatio : si laxandi , humectandi ,
atque demulcendi sit animus , lacte asinino ; si temperandi simul & conglutinandi necessitas ,
caprino vaccino tandem utare , dum nutrimento præsertim opus est : has varias lactis species ,
si ferat stomachus , sinceras , sin minus , aquâ calcis , decocto radicis chinæ , aut ipsismet
aquis alteratas pituitosis , sanguineis ; decocto vtrò radicum tormentillæ , bistortæ , aut
fragariæ commixtas biliosis , melancholicis suade. Aquæ quantitas à libris duabus ad
tres , quatuorve mane jejuno ventriculo per 20 aut 30 dies pituitosis , sanguineis ; par-
cior verò biliosis , melancholicis imperanda , sed diutius insistendum : larga in imminen-
ti atque incipienti phthisi , in confirmatâ parciore concedenda. Rationi suffragatur ex-
perientia : fidem ferre superant , quos continuò operantur , effectus. Cautionem Vi-
cum quottannis appellit languentium tabida cohors , spe recuperandæ sanitatis allecta ;
voris stat eveneris. Famam multiplici partam successu non solum servant incolumem , eam
quoque ita adaugent , ut sint hodie maximè apud Beneatenses , Tolosanòs , Burdigal-
enses , Hispanosque Medicos existimatione.

V.

AQUIS igitur Cautionibus uti ne dubites ; præsentissimam tetro phthisicos delen-
do fomiti opem exhibent : in unum felici amicoque connubio juncta continent
varia quæ tabidis opitulari posse hæcenus Medici arbitrati sunt. Ast , inquires , innume-
ris saponum atque balsamorum formulis ejusdem naturæ , ac consequenter ejusdem vir-
tutis referta sunt quamplurima Medicorum opera ; miris extolluntur encomiis ; in praxi
semper frustratur eventus. Plurima saponacea balsamicaque medicamenta excogitata fuisse
non diffiteor ; verum hæc cum aquarum principiis nomine tenus conveniunt , re disce-
pant : acri parte semper nocent , etsi accuratissimè arte confecta ; eorum idè defluxit usus.
Artem , in suis semper natura superat operibus : rectior in aquis principiorum proportio ,
perfectior digestio , atque elaboratio , majorem idcirco in dies famæ celebrariem assequun-
tur ; (a) *Opinionum commenta delet dies , natura judicia confirmat.* Ne ferri , in teneros
debileque phthisicorum Pulmones vim & actionem pertimescas : exigua est ipsius quan-
titas , balsamo insuper comite ita temperatur , ut nullam producere queat irritationem ;
tussis mitigatio hujus veritatis argumentum.

(a) Cicero
de Legib.

Ergò Phthisi ultimum gradum nondum affecta , aqua Cautiones , vulgò de Cautiones ,

DOMINI DOCTORES DISPUTATURI.

M. Ludovicus-Alexander Vicil-
lard, Consultarius Medicus Re-
gis ordinarius in ejus Castelle-
to.

M. Joannes-Ludovicus-Livinus
Eau de Lacroix, Bibliothecæ
Facultatis Præfatus.

M. David Vassé.

M. Ludovicus - Guillelmus le
Monnier , è Regiâ Scientia-
rum Academiâ , & Rei Her-
bariæ Professor.

M. Carolus Dionis.

M. Andreas-Josephus Seron.

M. Josephus-Exuperius Bertin ,
Supremi Valachie & Mol-
davia Principis Medicus or-
dinarius , & Regiæ Scientia-
rum Academiæ socius.

M. Gedeon de Rabours

M. Thomas-Renatus Gafaiet.

Proponebat Parisiis , P A S C A S I U S B O R I E , Beneatensis , Saluber-
rimæ Facultatis Medicinæ Parisiensis Baccalaureus , A. R. S. H.

1746. à sextâ ad meridiem.

Typis QUILLAU , Universitatis & Facultatis Medicinæ Typographi , 1746.